



Na osnovu člana 61. Zakona o upravi Bosne i Hercegovine („Službeni glasnik BiH“, br. 32/02 i 102/09), člana 12. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16), Zakona o budžetu institucija Bosne i Hercegovine i međunarodnih obaveza Bosne i Hercegovine za 2016. godinu („Službeni glasnik BiH“, br. 101/15), Smjernica o postupku dodjele grant sredstava Ministarstva za ljudska prava i izbjeglice BiH, br. 01-16-1-538/16 od 23. 2. 2016. godine i Odluke Vijeća ministara Bosne i Hercegovine o kriterijima za dodjelu sredstava iz „Granta za pomoć nevladinim organizacijama koje se bave pitanjima raseljenih osoba, povratnika i izbjeglica“, donesene na 65. sjednici Vijeća ministara Bosne i Hercegovine, održane 21. 7. 2016. godine, Ministarstvo za ljudska prava i izbjeglice Bosne i Hercegovine raspisuje

**JAVNI POZIV
za dodjelu pomoći nevladinim organizacijama koje se bave
pitanjima raseljenih osoba, povratnika i izbjeglica**

I Predmet i cilj Javnog poziva

Predmet Javnog poziva je dodjela pomoći nevladinim organizacijama koje se bave pitanjima raseljenih osoba, povratnika i izbjeglica, u cilju davanja podrške, razvoja partnerstva i jačanja nevladinog sektora kroz sufinansiranje projekata iz programa rada nevladinih organizacija.

II Raspoloživa sredstva

Ukupna sredstva za dodjelu pomoći nevladinim organizacijama iznose 100.000,00 KM. Maksimalan iznos sredstava za dodjelu pomoći po jednoj nevladinoj organizaciji iznosi 7.000,00 KM.

III Pravo na podnošenje projektnih prijedloga

Pravo na podnošenje projektnih prijedloga imaju nevladine organizacije, registrovane sa sjedištem u Bosni i Hercegovini, a koje se prioritetno bave pitanjima raseljenih osoba, povratnika i izbjeglica.

IV Obavezna projektna dokumentacija i način dostave

Prijava na Javni poziv uključuje dostavu sljedeće dokumentacije:

1. Obrazac projektnog prijedloga (*Obrazac I*),
2. Plan aktivnosti (*Obrazac II*),
3. Budžet projekta (*Obrazac III*),
4. Logički okvir (*Obrazac IV*),
5. Podaci o podnosiocu projektnog prijedloga (*Obrazac V*),
6. Uvjerenje o poreskoj registraciji i ID broju (*ovjerene kopije*),
7. Ugovor s bankom o otvaranju transakcijskog računa (*ovjerena kopija*),
8. Statut/Odluka o osnivanju (*ovjerena kopija*),
9. Rješenje/Uvjerenje o registraciji (*ovjerena kopija*),
10. Bilans stanja za prethodnu godinu (*ovjerena kopija*),
11. Bilans uspjeha za prethodnu godinu (*ovjerena kopija*).

Prijava i obrasci moraju biti popunjeni, potpisani i ovjereni od strane odgovorne osobe.

Tekst Javnog poziva, prijava i obrasci su dostupni na WEB stranici Ministarstva za ljudska prava i izbjeglice BiH (www.mhrr.gov.ba).

Navedena dokumentacija se kovertira i preporučenom poštom dostavlja na adresu:

Ministarstvo za ljudska prava i izbjeglice BiH, Sektor za izbjeglice, raseljene osobe, readmisiju i stambenu politiku, Trg BiH broj 3, 71 000 Sarajevo, sa naznakom „ZA JAVNI POZIV – prijava za dodjelu pomoći u svrhu podrške nevladinom sektoru. Ne otvaraj!“.

Na poledini koverte navesti tačan naziv i adresu sjedišta nevladine organizacije, ime i prezime odgovorne osobe i kontakt telefon.

V Rok dostave

Rok za dostavu prijava na Javni poziv je 21 dan od dana objavljivanja Javnog poziva. Neblagovremene prijave i prijave sa nepotpunom dokumentacijom neće biti predmet razmatranja.

VI Procedura

- Odabir korisnika pomoći, odnosno odabir Projektnih prijedloga vrši Komisija za provođenje procedure o dodjeli pomoći nevladinim organizacijama koje se bave pitanjima raseljenih osoba, povratnika i izbjeglica, pri Ministarstvu za ljudska prava i izbjeglice BiH;
- Zaprmljene prijave po Javnom pozivu dostavljaju se tehničkom sekretaru Komisije;
- Komisija otvara i pregleda prijave u cilju eliminisanja nepotpunih i neblagovremenih prijava, nakon čega pristupa proceduri evaluacije i vrednovanja projektnih prijedloga;
- Nakon završene procedure iz prethodnog stava, Komisija sačinjava rang listu projektnih prijedloga sa prijedlogom odluke o dodjeli grant sredstava, i istu dostavlja na saglasnost ministrici za ljudska prava i izbjeglice BiH;
- Odluku o dodjeli grant sredstava donosi Vijeće ministara Bosne i Hercegovine;
- Ministarstvo za ljudska prava i izbjeglice BiH pismenim putem izvještava odabrane aplikante o dodjeljenoj pomoći;
- Sa subjektima kojima su odobrena sredstva prema odluci Vijeća ministara Bosne i Hercegovine, Ministarstvo za ljudska prava i izbjeglice BiH zaključuje Ugovor o dodjeli grant sredstava.

VII Kriteriji za vrednovanje podnesenih projektnih prijedloga po Javnom pozivu

Prilikom razmatranja podnesenih projektnih prijedloga na Javni poziv vrednuju se sljedeći kriteriji:

- a) Relevantnost projekta;
- b) Kvalitet i logika projekta;
- c) Budžet projekta;
- d) Administrativni i finansijski kapaciteti podnosioca prijave;
- e) Održivost projekta

Sve dodatne informacije, u vezi sa Javnim pozivom, mogu se dobiti na telefon broj 033/703-916.

Broj: 01-02-2-1241-9/16
Sarajevo, 01.09.2016. godine

**MINISTRICA
Semiha Borovac**